

JAVNO PREDUZEĆE

« RAD »

d. d. TEŠANJ



Trg žrtava 3. avgusta bb, Tešanj
Tel./fax: 032/650-566; 650-428
Direktor: 032/650-471

račun: 1990460003075676 Sparkasse banka
račun: 3385502203283017 Uni Credit banka
račun: 1603000030014004 Vakufska banka
račun: 1414155320002012 BBI banka

ID broj: 4218317600003
PDV broj: 218317600003
www.rad-tesanj.ba
e-mail: kprad@bih.net.ba

Broj: 5326/18

Datum: 10.09.2018. godine

Na osnovu člana 72. stav 3. tačka c) Zakona o javnim nabavkama BiH (Sl. glasnik BiH broj 39/14), direktor Javnog preduzeća "RAD" d.d. Tešanj, dana 10.09.2018. godine, d o n o s i

ODLUKU

Ovom Odlukom stavlja se van snage Odluka o izboru najpovoljnijeg ponuđača br: 5200/18 od 06.09.2018. godine kojom je u postupku Konkurentskog zahtjeva za dostavljanje ponuda za nabavku HTZ odjeće objavljenom na Portalu javnih nabavki broj 807-7-1-63/18 od 19.07.2018. godine, ponuđač "INKOS" export-import doo Kakanj, Bratstva i jedinstva bb, Kakanj izabran kao najpovoljniji ponuđač.

Odluka o izboru najpovoljnijeg ponuđača br: 5200/18 od 06.09.2018. godine se stavlja van snage iz razloga što je ponuđač "INKOS" export-import doo Kakanj dana 10.09.2018. godine Ugovornom organu dostavio dopis kojim ga obavještava da zbog poskupljenja repromaterijala na svjetskom tržištu nije u mogućnosti realizovati ugovor po osnovu te Odluke.

Ugovorni organ će u skladu sa članom 72. st. 3. tačka c) Zakona o javnim nabavkama dostaviti prijedlog ugovora ponuđaču "Comfort Star" doo Tešanj, jer je ponuda navedenog ponuđača nakon provedene E-aukcije po rang listi odmah nakon ponude ponuđača "INKOS" export-import doo Kakanj.

Vrijednost ugovora koji će se zaključiti sa najpovoljnijim ponuđačem iznosi 11.583,00 KM sa uključenim PDV-om.

Ponuđač "Comfort Star" doo Tešanj je obavezan u roku od 5 dana od dana prijema ove Odluke dostaviti Ugovornom organu dokumentaciju iz člana 45. Zakona o javnim nabavkama, kako je to i određeno tenderskom dokumentacijom.

Ponuđač "Comfort Star" doo Tešanj obavezan je ugovornom organu dostaviti krajnju ponudu sa cijenama i vrijednostima predmeta nabavke koje su usklađene sa rezultatima E-aukcije od 05.09.2018. godine, prije potpisivanja ugovora o kupoprodaji.

Obrazloženje

U Konkurentskom zahtjevu za dostavljanje ponuda za za nabavku HTZ odjeće objavljenom na Portalu javnih nabavki broj 807-7-1-63/18 od 19.07.2018. godine, prihvatljive ponude su dostavili sljedeći ponuđači:

1. „INKOS“ export-import doo Kakanj, konačna cijena ponude nakon ponovljene E-aukcije iznosi 10.984,00 KM bez PDV-a, odnosno 12.851,28 KM sa PDV-om sa primjenom preferencijalnog tretmana domaćeg u visini od 10%;
2. „Comfort Star“ doo Tešanj, konačna cijena ponude nakon ponovljene E-aukcije iznosi 9.900,00 KM bez PDV-a, odnosno 11.583,00 KM sa PDV-om;
3. „Tehnička zaštita“ doo Doboj, nije učestvovala u ponovljenoj E-aukciji, tako daje konačna cijena ponude ostala 16.067,39 KM bez PDV-a, odnosno 18.798,85 KM sa PDV-om;

Izvještaj o toku i završetku E-aukcije od 05.09.2018. godine je dostavljen ponuđačima uz Odluku o izboru najpovoljnijeg ponuđača broj 5200/18 od 06.09.2018. godine.

Odlukom o izboru najpovoljnijeg ponuđača br: 5200/18 od 06.09.2018. godine, ponuđač "INKOS" export-import doo Kakanj je izabran kao najpovoljniji ponuđač uz primjenu preferencijalnog tretmana.

Navedena Odluka je dana 06.09.2018. godine, putem fax-a dostavljena svim ponuđačima.

Ponuđač "INKOS" export-import doo Kakanj je dana 10.09.2018. godine Ugovornom organu dostavio Dopis kojim ga obavještava da zbog poskupljenja repromaterijala na svjetskom tržištu nije u mogućnosti realizovati ugovor po osnovu Odluke o izboru najpovoljnijeg ponuđača br: 5200/18 od 06.09.2018. godine.

Obzirom da je Odluka o izboru najpovoljnijeg ponuđača br: 5200/18 od 06.09.2018. godine dostavljena svim ponuđačima dana 06.09.2018. godine, te da sa ponuđačem "INKOS" export-import doo Kakanj nije zaključen Ugovor o isporuci robe, dopis ponuđača "INKOS" export-import doo Kakanj od 10.09.2018. godine se smatra odbijanjem dodjele ugovora odnosno razlozima iz člana 72. st. 3. tačka c) Zakona o javnim nabavkama BiH za dostavu prijedloga ugovora ponuđaču čija je ponuda po rang listi odmah nakon ponude najuspješnijeg ponuđača.

Ugovorni organ će u skladu sa članom 72. st. 3. tačka c) Zakona o javnim nabavkama BiH dostaviti prijedlog ugovora ponuđaču čija je ponuda po rang listi odmah nakon ponude najuspješnijeg ponuđača.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema.

Žalba se izjavljuje Javnom preduzeću "RAD" d.d. Tešanj u pisanoj formi direktno, elektronskim putem ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

 JAVNO PREDUZEĆE
RAD
D.D.
TEŠANJ
7
DIREKTOR:
Adnan Lihčić, dipl.ing.maš.

Dostaviti:

- Svim ponuđačima
- Komisija za javne nabavke
- a/a